



CTM
SIARTER
PLANT
#PlantCTMSiarter

CTM Siarter y Plant

Mae hon yn siarter gyffredinol ar gyfer pob plentyn (0-18 oed) sy'n byw ym Mwrdd Iechyd Prifysgol Cwm Taf Morgannwg, ni waeth a ydyn nhw'n byw gyda'u rhieni biolegol, mewn gofal maeth, yn byw'n annibynnol neu mewn unrhyw sefyllfa arall.

1. Yr hawl i fywyd, iechyd da ac i fod y gorau y gelli di fod

Byddwn yn darparu'r driniaeth, y cyngor a'r addysg iechyd gorau posibl i dy helpu i dyfu i fod yn iach ac yn hapus ac i fod yn bopeth y gelli di fod.

Byddwn yn rhoi cymorth a chefnogaeth i ti pan fydd eu hangen arnat ti.

Byddwn yn dy gefnogi i bontio o wasanaethau pediatriig i wasanaethau iechyd oedolion os oes angen hyn ac ar adeg briodol.

Byddwn yn ymdrechu i sicrhau dy fod yn cael profiadau da yn BIP CTM.

2. Yr hawl i chwarae ac ymlacio

Byddwn yn darparu gweithgareddau i ti ymlacio a chwarae os wyt ti yn yr ysbyty.

3. Yr hawl i wybodaeth y gelli di ei deall

Byddwn yn ateb dy gwestiynau ac yn rhoi gwybodaeth i ti mewn ffordd y byddi di'n ei deall.

Byddwn yn rhoi'r wybodaeth ddiweddaraf i ti er mwyn i ti allu dylanwadu ar benderfyniadau sy'n effeithio arnat ti.

Byddwn yn sicrhau bod y person cywir yn rhoi cyngor i ti, fel dy fod yn deall beth sydd ei angen arnat ti i fod yn iach.

4. Yr hawl i ddweud dy ddweud

Byddwn yn mynd ati i ofyn i ti beth rwyt ti ei eisiau/ei angen, yn gwrandao ar dy farn, yn cymryd sylwadau o ddifrif, ac yn rhoi adborth i ti.

5. Yr hawl i gael dy barchu a dy drin yn deg a gyda charedigrwydd

Fyddwn ni ddim yn dy farnu di.

Byddi di'n cael dy drin yn garedig.

Byddwn yn parchu dy hunaniaeth, dy rywioldeb, dy iaith, dy grefydd, dy greddoau, dy gefndir teuluol ac yn dy drin fel unigolyn yn dy rinwedd dy hun.

Bydd staff yn cyflwyno eu hunain i ti ac yn gofyn i ti pa enw rwyt ti eisiau i ni ei ddefnyddio.

6. Yr hawl i gydsynio

Byddwn yn siarad â ti ac yn gofyn am ganiatâd dy rieni, dy ofalwyr neu dy warcheidwad pan fyddi di'n derbyn triniaeth ond byddwn bob amser yn dy gynnwys di yn yr hyn sy'n digwydd. Gelli di roi cydsyniad i driniaeth unwaith y byddi di'n 16 oed neu'n deall digon i wneud y penderfyniad dy hun.

7. Yr hawl i breifatrwydd a chyfrinachedd

Byddwn yn parchu dy breifatrwydd, sy'n golygu lle bynnag y bo modd ni fyddwn yn rhannu dy wybodaeth nac yn dy drafod ag eraill oni bai dy fod am i ni wneud hynny neu os ydym ni'n poeni amdanat ti, ac yna byddwn yn dweud wrthyti ti yn gyntaf.

8. Yr hawl i fod yn ddiogel

Byddwn yn gweithio ar dy ran ac yn gwneud popeth o fewn ein gallu i wneud i ti deimlo'n ddiogel ac wedi dy amddiffyn.

9. Yr hawl i fywyd teuluol

Byddwn yn cefnogi dy fywyd teuluol trwy ganiatáu ymweliadau a thrwy gynnwys y teulu mewn penderfyniadau am dy iechyd (os wyt ti am i ni wneud hynny).

10. Byddwn yn gwneud ein gorau i ddod i dy 'nabod di a beth sydd ei angen arnat ti

